

K296.4
H598.3

〔清〕李瀚章 裕祿等 编纂

光绪
湖南通志
⑤

湖湘文库编辑出版委员会
岳麓书社



湖湘文库

K296.5

H598.3

湖南通志人物目錄

秦

羅孝子

漢

長沙府

梅鎬

劉壽

夏侯叔仁

衡州府

蔡倫

李融

胡紹

永州府

笑景

蔣晉

鄭產

寶慶府

武充竟

岳州府

蹇祇

常德府

王坦 伍襲

辰州府 田強

郴州

胡騰 劉常 唐珍 程曾

桂陽州

張熹 程桓

三國漢

長沙府

蔣琬子斌

湖南通志卷一百六十 人物一 目錄

衡州府

劉巴

永州府

賴恭子玄 劉邕 劉敏

常德府

廖立

魏

長沙府

桓階

永州府

劉先 周不疑

吳

長沙府

桓彝 徐熙 夏隆 虞授

衡州府

谷朗仲子 羅陵

永州府

黃蓋

常德府

潘濬

湖南通志卷一百六十 人物一 目錄

三 又十

澧州

車浚

晉

長沙府

桓陵 王昌子式 易雄 虞悝弟望

桓雄 韓階 鄧騫子策 王循

王毅子仲機 徐瑋 尹虞

衡州府

羅含 李義

永州府

唐諡 唐宏 唐叟 蔣珩

寶慶府

周崎 陳光

常德府

潘京 龔恢 伍朝 閻曾

龔元之

郴州

谷儉

澧州

周該 車允

湖南通志卷一百六十 人物一 目錄

四 又十三

南北朝宋

永州府

蕭孝子

常德府

龔所

齊

長沙府

徐普濟

衡州府

何宏

永州府

譚宏寶

唐獻之

常德府

邵榮興

黃閔

魏

永州府

董巒

梁

常德府

伍安貧

湖南通志

卷一百六十

人物一 目錄

五

二十一

郴州

廖冲

澧州

陰子春

韓望

陳

長沙府

歐陽頴

弟盛
子紇 邃

衡州府

鄧正直

澧州

陰鏗

周

澧州

陰顯

湖南通志

卷二百六十

人物一 目錄

六

十八

湖南通志卷一百六十

人物志一

秦

羅孝子羅縣人今湘陰父君用爲武陵令督運鐵船沒於洞庭孝子年十二與其姊循涯求父尸不獲皆赴水死後人每於陰雨時見其姊弟抱父尸湖上隨波往來雲氣覆之因建祠以祀宋元豐間敕封孝感侯一統志增

漢

長沙府

梅銷益陽人漢書無本貫明統志作安化人今仍舊志作益陽吳芮之將也沛公初攻

湖南通志卷一百六十人物一 秦漢

南陽遇銷與偕攻析酈降之及項羽相持以荊功多封爲衡山

王而銷亦封十萬戶爲列侯羽死高祖以銷率百越從入武關

有功故德芮徙爲長沙王而銷從之所居曰梅山以其姓爲名

漢書吳芮傳 縣志

羅宏長沙人元封五年置交州部刺史察所部郡國治所在蒼

梧郡往刺史多以荒遠行部罕徧部吏因得恣其貪殘宏爲刺

史春行冬息徧歷所部咨詢疾苦太守多解綬請罪宏廉實舉

發貪殘斂迹粵西文載

古初長沙人父喪未葬鄰人失火初匍匐樞上以身捍火火爲

之滅太守鄧惲甄異之以爲首舉後漢書鄧惲傳

祝良字邵卿龍參傳注卿作平臨湘人聰明博學有才幹以廉

平稱順帝時爲洛陽令值大旱暴身自責雨如注太尉龐參妻

疾前妻子投於井殺之良率吏卒入太尉府按實上參罪狀有

司以不先聞奏輒折辱宰相坐繫詔獄洛陽吏人守闕請代其

罪日數千人詔原之永和二年日南徼外蠻反李固薦良勇決

可任遂以并州刺史拜九真太守良單車入賊中設方略招以

威信降者數萬皆爲良築起府寺嶺外復平謝承漢書龐參傳後漢書南蠻傳

劉壽字均長後漢書順帝紀注均作伯臨湘人官至太尉少遇相師曰君鼻

大當貴順帝時爲洛陽令歲旱祈雨不得暴身階庭告誠引罪

自辰至午甘雨登降人爲之歌曰天久不雨蒸人失所精誠感

湖南通志卷一百六十人物一 漢

應滂沱下雨長沙者舊傳

文虔字仲儒長沙人爲郡功曹時霖雨廢民業太守憂懼召虔

補戶曹掾虔奉教齊戒在社三日夢白頭翁謂曰爾來何遽虔

具白所夢太守曰昔禹夢青繡衣男子稱滄水使者禹知水脈

當通若掾此夢將其比也明日果大霽長沙者舊傳

虞芝長沙人州辟南陽從事太守張忠連姻王室罪名入重芝

依法執按刺史畏勢召芝曰吾年往志盡譬如八百錢馬死

生同價且欲立效於明時耳遂投傳去長沙者舊傳

陳平子長沙人與范式同在太學未相見而平子被病將亡謂

其妻曰吾聞山陽范巨卿烈士也可以託死吾歿後但以屍埋

巨卿戶前乃裂素爲書以遺巨卿既終妻從其言時式出行適還省書見瘞愴然感之向墳揖哭以爲死友乃營護平子妻兒身自送喪於臨湘未至四五里委素書柩上哭別而去後漢書夏侯叔仁長沙人氏族單微丁母憂居喪過禮同郡徐元休弱冠知名聞而弔焉旬日之中積刺盈案長沙舊傳

吳巨長沙人建安十六年爲蒼梧太守吳遣步騭爲交州刺史將武吏四百人之州道路不通巨擁眾五千騭疑巨先使諭巨巨迎之於零陵遂得進州巨既納騭後悔騭以兵少恐不存立巨有都督區景勇略與巨同士爲用騭惡之陰使人請巨巨往告景勿詣騭騭請不已景又往乃俱斬於聽事以首徇眾騭既

湖南通志卷一百六十人物一漢
殺巨合兵二萬下取南海蒼梧人衡殺錢博宿巨部伍興軍逆騭戰於高要峽口殺等取投水死者千餘人交廣春秋區景長沙人爲交州刺史張津將津死復爲蒼梧太守吳巨都督建安十六年爲步騭誘害吳志交廣春秋廣韻增

衡州府

蔡倫字敬仲末陽人傳作桂陽人今從舊志作末陽後漢末陽縣屬桂陽郡永平末給事宮掖和帝卽位轉中常侍與參帷幄倫有才學盡心敦慎數犯顏匡弼得失每至休沐輒閉門絕賓客後遷尙方令自古書契多編以竹簡其用縑帛者謂之爲紙縑貴而簡重並不便於人倫乃造意用樹膚麻頭及敝布魚網以爲紙元興元年奏上之

帝善其能自是莫不從用焉故天下咸稱蔡侯紙元初元年封龍亭侯邑三百戶後爲長樂太僕四年詔選通儒謁者劉珍及博士良史各詣東觀讎校漢家法令倫監典其事後坐事飲藥而死國除後漢書

李融字元考烝陽人爲固始侯相爲政得民心屢致祥瑞甘瓜六子共莖璽書慰勞遷廣漢太守零陵先賢傳胡紹字伯蕃末陽人爲河內懷令三日一視事十日一詣倉受俸米於閭外炊作乾飯食之不設釜竈得一強盜問其黨與得數百人誅之政教清平爲三河表初紹爲縣門下幹迎太守許荆荆足下中風使紹抑之紹視荆蹠下而笑荆怒問之紹曰見湖南通志卷一百六十人物一漢

明府蹠下有黑子紹亦有故爾笑之荆視之果有黑子令其從學後八年遂爲九真零陵太守謝承後漢書續漢書楚國先賢傳增谷永末陽人靈帝時爲鬱林太守建甯三年永以恩信招降烏潁人十餘萬內屬皆受冠帶開置七縣後漢書南蠻傳增

區祉字景賢重安人靈帝時爲曲紅長桂陽太守周憬以武漢驚湍激石流數百里開通下合滇水桂陽人便之祉與憬故吏未陽華憂郁王鼎緒禱等建碑於龍上以旌懍德續漢書增羅訓末陽人東漢處士隱居邑之樟檀嶺明統志

永州府

奚景零陵人章帝時文學於冷道縣舜祠下得白玉瑋舜時西

王母所獻也乃獻於朝至今巖以玉瑄名吳苑

薛政泉陵人安帝時杜陵朱寵爲潁川太守功曹主簿皆選明

經高行者以政爲丞延光二年與寵及五官掾陰林等立開母

廟石闕銘蘇釋金石增

支宣雅零陵人順帝時李固授荊州刺史值州部有亂固至州

友宣雅及南陽鄭叔躬宋孝節皆賢者表薦之漢中士女志

曾譚泉陵人舉孝廉拜尚書郎有文武士官終太常漢中士女志

蔣晉泉陵人靈帝時舉孝廉拜尚書郎後除汝南太守遷交州

刺史入奏事應對不滯拜尚書在位清直爲羣僚所服楚紀

蔣嵩營浦人歷任五官掾功曹上計畱爲郎出爲豫章平都侯

湖南通志卷一百六十人物一漢

相子孫甚蕃其鄉名曰蔣居鄉湖廣通志

劉優零陵人少有雋聲舉孝廉獻帝時爲侍御史遷御史大夫

再遷尚書右僕射朝綱無所不綜臺閣爲之肅然孫敏顯於蜀

熊尚字子高春陵人父喬字漢舉治歐陽尚書更督郡主簿五

官中郎三辟不就尚少以孝聞辟掾吏舉孝廉興平元年補桂

陽曲紅長爲政果達多風烈劉表牧荊州拜尚綏民校尉雍容

泄事聽覽如流五年去官尋拜散騎都尉灌陽長明統志

鄭產字景載泉陵人爲白土鄉嗇夫漢末多事國用不足民間

生子一歲輒出口錢民多不敢舉子產乃救民勿得殺子口錢

當白代出產言於郡縣表上之錢得除更名白土爲更生鄉零陵

楊懷零陵人爲益州牧劉璋白水軍督劉璋請蜀先主懷數諫

龐統進說先主曰楊懷高沛璋之名將聞數有賤諫璋使發遣

將軍還荊州將軍未至遣與相聞說荊州有急欲還救之並使

裝束外作歸形此二子既服將軍英名又喜將軍之去計必乘

輕騎來見將軍可因此執之進取其兵乃向成都先主然之請

璋子禪及懷酒酣先主見懷佩匕首謂懷曰將軍匕首好孤亦

有可得觀之懷與之先主得匕首謂懷曰汝小子何得聞我兄

弟之好邪懷罵之未訖先主斬之蜀志龐統傳

湖南通志卷一百六十人物一漢

寶慶府

武充竟夫夷人漢表不言籍貫按許慎汝南召陵人其子冲進

孫山拊坐爵金國除元康四年錄高帝功臣後充竟以虎元孫

之子夫夷公乘詔復家漢書功臣表

岳州府

蹇祇字宣節漢昌人靈帝建甯中以滇陽長守南平丞時桂陽

太守周憫開通瀧道水勢緩弱祇與曲紅長區祉等立神漢桂

陽守功銘曲紅郭蒼爲文立碑瀧上魏釋廣東通志

常德府

王坦武陵人爲太子中庶子有燕來翔坦被令爲賦深見稱賞

傳增

伍襲字世茂武陵人父歿羌中乃學羌語言衣服與賓客入構

諸羌令相攻襲乘其仇羌負喪而歸葬畢因居墓所每哭輒有

鹿踞墳而鳴漢法死事之孤皆拜郎中而襲不忍受吏迫之乃

掘室逃其中吏不知處宋躬孝子傳按襲實漢人而舊志列

史籍也今攷死事之孤拜郎中實漢法顧氏知錄攷之甚詳

則漢法非第對羌言之且御覽引宋躬孝子傳十條此條上下

爲漢人無疑

辰州府

田強武溪夷也嘗遣長子魯居上城次子某居中城少子倉居

湖南通志卷一百六十人物一

下城三壘相次以拒王莽光武二十四年遣武威將軍劉向征

之尚未至倉獲白鼈爲臚舉烽請兩兄兄至無事及向軍來倉

舉火魯等以爲不實倉遂戰而死西陽雜俎案姓譜云田強

強曰吾漢臣也誓不臣莽卻弗受強有子十人皆雄勇過人以

其子居上城倉子居下城此說未

知所據與西陽雜俎小異並存之

郴州

胡騰字子升桂陽人漢桂陽郡治郴縣今州少師事平陵竇武

初辟州府桓帝巡狩南陽以騰爲護駕從事公卿貴戚車乘萬

計徵求費役不可勝極騰上言天子無外乘輿所幸即爲京師

臣請以荊州刺史比司隸校尉臣自同都官從事帝從之自是

肅然莫敢妄有干請騰以此顯名靈帝初竇武爲大將軍辟爲

掾武謀誅曹節等兵敗自殺傳首洛陽都亭家屬徙日南收捕

宗親賓客騰獨殞殯行喪坐禁錮武孫輔時年二歲逃竄節等

捕之急騰匿輔於零陵界詐云已死騰因以爲己子使聘娶焉

黨錮解騰官至尚書輔後舉桂陽孝廉建安中乃還竇姓後漢書

劉常桂陽人當世名儒元嘉中郎中袁著上書論梁冀冀笞殺

之以常素善於著冀召補令史以辱之後漢書

唐珍桂陽人幼時聞人讀書即能記誦人謂神童及長天性恬

漠寡欲荊州刺史度尚甚稱重之累官太常司空諸

湖南通志卷一百六十人物一

程曾字孝孫桂陽人七歲亡母號慕毀悴王母哀憐哺食哺之

知有肉味遂吐不食桂陽先

桂陽州

張熹字季智臨武人靈帝時以甲科任平輿令持身廉介慈惠

愛民人不敢干以私時邑大旱禱雨不應熹曰居官無善狀上

干天怒災累小民乃積柴自焚主簿侯崇小吏張化從熹焚焉

火既舉大雨如注是年大有民就熹焚處建張明府祠遇旱禱

輒應桂陽先

程桓臨武人少有才藝爲九江主記掾府君爲人所誣被徵詣

臺除郎中委郎詣州乞就考於格上拔刀截舌事得清理桂陽

先賢

畫贊

三國漢

長沙府

蔣琬字公琰湘鄉人傳作零陵湘鄉人漢湘鄉縣人屬零陵郡舊志誤入永州府以州書佐隨

先主入蜀除廣都長先主嘗至廣都見琬眾事不理將加罪戮諸葛亮請曰蔣琬社稷之器非百里之才其為政以安民為本

不以修飾為先乃不加罪先主為漢中王琬入為尚書郎建興五年亮住漢中琬與長史張裔統留府事八年代裔為長史亮

數外出琬常足食足兵以相供給亮每言公琰託志忠雅當與吾共贊王業者也密表後主曰臣若不幸後事宜以付琬亮卒

湖南通志卷一百六十人物一三國漢九

以琬為尚書令領益州刺史遷大將軍封安陽亭侯時新喪元帥遠近危悚琬無戚容亦無喜色神守舉止有如平日由是眾

望漸服延熙元年詔總帥諸軍屯漢中又命琬開府明年就加為大司馬東曹掾楊戲素性簡略琬與言論時不應答或搆戲

於琬琬曰面從後言古人所戒戲欲贊吾是邪則非其本心欲反吾言則顯吾之非是以默然又督農楊敏曾毀琬曰作事憤

憤誠不及前人或以白琬主者推治敏琬曰吾實不如前人無可推也琬以昔諸葛亮數關秦川道險運艱不若乘水東下乃

作舟船欲由漢河襲魏上庸會舊疾連動未得行九年進屯沔尋卒諡曰恭子斌嗣為綏武將軍漢城護軍鍾會至漢城與斌

書曰桑梓之敬古今所敦西到欲奉瞻尊太君公侯墓當灑埽墳塋奉祀致敬願告其所在答書曰亡考昔遭疾疢亡於涪縣

卜云其吉遂安厝之知君西邁乃欲屈駕修敬墳墓視子猶父顏子之仁也聞命感愴以增情思會得斌書報嘉歎意義及至

涪如其書云斌詣會於涪待以交友之禮斌弟顯為太子僕會亦愛其才學蜀志本傳

衡州府

劉巴字子初涪陽人祖曜蒼梧太守父祥江夏太守盪寇將軍

巴年十八郡署戶曹史主記主簿劉先主欲遣周不疑就巴學巴答曰昔遊荆北時涉師門記問之學不足紀名內無楊朱守

湖南通志卷一百六十人物一三國漢十

靜之術外無墨翟務時之風猶天之南箕虛而不用賜書乃欲令賢甥摧鸞鳳之翮遊燕雀之宇將何以啟明之哉及劉表卒

曹操征荊州先主奔江南荆楚羣士從之如雲而巴北詣曹操操辟為掾烏林之敗曹公北還欲遣桓階招納長沙三郡階辭

不如巴巴往零陵會先主略有三郡事不成遂入交趾更姓為張與交趾太守士燮計議不合乃由牂柯道去為益州郡所拘

留太守欲殺之主簿曰此非常人不可殺也請自送至州見益州牧劉璋璋父焉昔為巴父祥所舉孝廉見巴驚喜每大事輒

以咨訪璋遣法正迎先主巴諫曰備雄人也入必為害不可內也既入巴復諫曰若使備討張魯是放虎於山林也璋不聽巴

閉門稱疾先主攻成都令軍中曰其有害巴者夷三族及得巴甚喜諸葛亮亦數稱薦先主辟為左將軍西曹掾亮常曰運籌策於帷幄之中吾不如子初遠矣會軍用不足先主甚憂之巴曰易耳但當鑄值百錢平諸物價令吏為官市從之數月之間府庫充實先主為漢中王巴為尚書後代法正為尚書令躬履清儉不治產業又自以歸附非素懼見猜嫌恭默守靜退無私交非公事不言先主稱尊號昭告於皇天后土神祇凡諸文誥策命皆巴所作也章武二年卒蜀志本傳

永州府

賴恭零陵人才器不凡荆州牧劉表遣恭代張津為交州刺史

湖南通志卷一百六十人物一三國漢

吳巨代史璜為蒼梧太守後恭與巨相失巨逐恭還零陵事先主為鎮遠將軍偕丞相亮等上書獻帝封先主為漢中王遂拜太常值曹丕篡漢上言請繼大統正尊號子玄為丞相西曹令史隨諸葛亮於漢中蚤天亮甚惜之與張裔蔣琬書曰令史失賴玄為朝中損益多矣蜀志注

劉豈字南和泉陵人志言揚戲傳注作義陽人而常璩劉後主

其誤豈然今按巴與豈形相涉優子殆即豈舊府志蓋據劉氏

定為江陽太守建興中稍遷至監軍鎮南將軍時重察舉雖位

經朝要還為秀孝丞相亮舉蔣琬茂才琬固讓豈拜後將軍賜

爵關內侯卒子式嗣少子武有文與樊建齊名官至尚書蜀志

傳楊戲傳注華陽國志增

劉敏泉陵人優之孫蔣琬外弟也善草書弱冠與琬齊名舉孝

廉後主時除御史糾察名實悉當累遷為左護軍揚威將軍與

鎮北大將軍王平俱鎮漢中魏遣大將軍曹爽襲蜀時議者或

謂但可守城不出拒敵必自引退敏以為男女布野農穀栖畝

若聽敵入則大事去矣遂率所領與平據形勢多張旗幟彌互

百餘里會大將軍費禪從成都至魏軍即退敏以功封雲亭侯

常德府蜀志傳

湖南通志卷一百六十人物一三國漢

廖立字公淵臨沅人昭烈帝領荆州牧辟為從事擢長沙太守

帝入蜀諸葛亮鎮荆土孫權遣使於亮因問土人誰相經緯亮

答曰廖立楚之良才當贊興世業者也權遣呂蒙掩襲南三郡

立脫身歸帝以為巴郡太守帝為漢中王徵為侍中後主襲位

徙長水校尉坐怨望亮奏廢為民徙汶山郡立躬率妻子耕殖

自守後終徙所蜀志

長沙府

桓階字伯緒臨湘人祖超父勝皆歷典州郡勝為尚書著名南

方階仕郡功曹長沙太守孫堅舉階孝廉除尚書郎堅擊劉表

戰死階冒難詣表乞堅喪表義而與之太祖定荊州辟爲丞相掾主簿遷趙郡太守魏初爲虎賁中郎將侍中毛玠徐奕以剛蹇少黨而西曹掾丁儀屢言其短賴階左右以自全保文帝踐祚遷尙書令封高鄉亭侯加侍中疾病帝自臨省徙封安樂鄉侯邑六百戶諡曰貞侯弟纂官散騎侍郎賜爵關內侯子祐早卒次子嘉嗣尙升遷亭公主三子會嘉平中以樂安太守與吳戰敗歿諡曰壯侯子翊嗣

魏志本傳

永州府

劉先字始宗泉陵人博學彊記尤好黃老言明習漢家典故爲劉表別駕奉章詣許見太祖時賓客並會太祖問先劉牧如何

湖南通志

卷一百六十 人物一

三

ウヲム

郊天先對曰劉牧託漢室肺腑處牧伯之位而遭王道未平羣凶塞路抱玉帛而無所聘煩修章表而不獲達御是以郊天祀地昭告赤誠太祖曰羣凶爲誰先曰舉目皆是太祖曰今孤有熊羆之士步騎十萬奉辭伐罪誰敢不服先曰漢道陵遲羣生憔悴既無忠義之士翊戴天子綏甯海內使萬邦歸德而阻兵安忍曰莫已若卽蚩尤智伯復見於今也太祖默然拜武陵太守荊州平先始爲漢尙書後爲魏尙書令

零陵先賢傳

周不疑字元直零陵人同郡劉先之甥幼有異才聰明敏達太祖時有白雀瑞儒林竝已作頌不疑後至太祖授紙筆立令復作大奇欲以女妻之不疑不敢當太祖愛子蒼舒夙有才智謂

可與不疑爲儒及蒼舒卒太祖心忌不疑欲除之文帝諫以爲不可太祖曰此人非汝所能駕馭也乃遣刺客殺之時年十七著文論四首

零陵先賢傳

吳

長沙府

桓彝臨湘人魏尙書令階弟仕吳爲尙書孫綝議廢其主亮彝不肯署名綝怒殺之後晉武帝以吳之名臣問薛瑩稱彝有忠貞之節

三國吳志 晉春秋 吳錄 漢

墓誌

豫章記

湖南通志

卷一百六十 人物一

吳

古

ウヲム

夏隆長沙人仕郡時潘潛爲南征太守遣隆修書致禮潛飛帆中流力所不及隆乃於岸邊拔刀大呼指潛爲賊因此被收潛奇其以權變自通解縛賜以酒食

長沙者舊傳

主傳

長沙者舊傳

衡州府

谷朗字義先未陽人少孤事繼母以孝聞初仕郡歷右職守陽安長升王府除郎中尙書令史郡中正遷劉陽令有惠政徵拜立忠都尉尙書郎遷部廣州督軍校尉拜五官郎中遷大中正

交州叛明往征之恩威大著遷九真太守鳳皇元年卒年五十
有四仲子某英敏特達任郡歷右職舉孝廉除郎中終臨海永
甯侯相卒年三十有五九真太守谷朗碑
羅陵未陽人果而好義郡汲府君為州誣陵被掠拷慘加五毒
授刀截舌以著盤中獻之朝廷羣公義之事得清理桂陽先賢
此條見太平御覽四百二十一卷引書贊原文曰朱陽羅陵考
漢桂陽郡所屬無朱陽縣名疑即未陽未字之譌陵亦未詳時
代畫贊為吳張勝撰附錄於此

永州府

黃蓋字公覆泉陵人吳書曰故南陽太守黃子廉之後初為郡
吏察孝廉辟公府孫堅舉義兵蓋從之拜別部司馬堅薨隨孫

湖南通志卷一百六十人物一 吳 五

策及權環甲周旋蹈刃屠城諸山越不實有寇難之縣輒用蓋
為守長凡守九縣所在平定建安中隨周瑜拒曹操於赤壁蓋
建策曰操軍方連船艦首尾相接可燒而走也瑜用其計卒破
操拜武鋒中郎將武陵蠻及長沙益陽山賊反亂蓋盡討平之
酋長效命諸令長望風易節加偏將軍蓋姿貌嚴毅善於養眾
事無留滯及卒國人思之圖形祠祭權稱尊號賜子柄爵關內
侯吳志本傳

常德府

潘濬字承明漢壽人荊州牧劉表辟為部江夏從事時沙羨長
賊穢不修濬按殺之一郡震悚後為湘鄉令治甚有名孫權并

荆土拜輔軍中郎將授以兵遷奮威將軍累封劉陽侯遷太常
五溪蠻叛權假濬節督軍討之斬首獲生蓋以萬數自是羣蠻
衰弱一方寧靜與陸遜俱駐武昌共掌兩事赤烏二年濬卒子
翥嗣翥字文龍拜騎都尉後代領兵早卒翥弟祕權以姊陳氏
女妻之調湘鄉令後為尚書僕射代襄陽習溫為大公平大公
平今之州都其得州里之譽吳志本傳

澧州

車浚南平人陸遜聞浚令名請與相見謂曰早欽風彩何乃龍
蟠鳳峙不肯降顧邪答曰誠知公侯敦公旦之博納尼父之善

湖南通志卷一百六十人物一 吳 去

誘然蜥蜴不能假重雲以昇舉鸚鵡雀不能從激風以飛揚是以
無因爾時座上賓客多吳人皆相顧謂曰武陵蠻夷郡乃有此
奇人也浚曰吳太伯端委之化以改被髮文身之俗今乃上挺
聖主下生賢佐亦何常之有遜歎曰國其昌也乃有此人浚後
歷仕至會稽太守在郡清忠值郡荒旱民無資糧表求振貸後
主皓謂浚欲樹私恩時政令培克浚與湘東太守張詠獨不出
算繒吳志本傳 太平廣記 江

晉

長沙府

桓陵字元徽臨湘人隋孫有名於武帝世官至滎陽太守魏志

注傳

王昌字公伯臨湘人父愆魏黃門郎漢末以使入中夏值孫氏有荆土道不得通遂與前妻息隔絕更娶妻生昌昌太始中爲東平內史及吳平昌聞前母久喪稱疾求追行前母服東平王琳以聞詔集羣臣會議議上制曰凡有非常當依準舊典爲之立斷今議此事稱引趙姬季隗者粗是也然後狄與晉和故姬氏得迎叔隗而下之吳寇隔塞愆與前妻終始永絕必義無兩嫡則趙衰可以專制隗氏昌爲人子豈得擅替其母且愆二妻並以絕亡其子猶後母之子昌故不應服也昌遷散騎常侍早卒弟式字公儀度遼將軍長史

湖南通志

卷一百六十

人物一

晉書禮儀志

增

七

入夕入文

易雄字興長瀏陽人仕郡爲主簿張昌之亂執太守萬嗣將斬之雄與賊爭論曲直賊怒叱使牽雄斬之雄趨出自若賊又呼問之雄對如初如此者三賊乃舍之嗣由是獲免雄遂知名舉孝廉爲州主簿遷別駕後爲春陵令刺史譙王承旣拒王敦將謀起兵以赴朝廷雄承符馳檄遠近列敦罪惡宣募縣境數日之中有眾千人敦遣魏父李恆攻之雄勉厲所統捍禦累旬城陷爲父所虜意氣慷慨神無懼色送到武昌敦遣人以檄示雄而數之雄曰此實有之惜雄位微力弱不能救國之難今日即戮得作忠鬼乃所願也敦憚其辭正釋之尋復殺之見者莫不傷惋

晉書本傳

虞惺長沙人弟望竝有士操孝弟廉信爲鄉黨所稱而俱好臧否以人倫爲己任少仕州郡兄弟更爲治中別駕元帝爲丞相招延四方之士多辟府掾時人謂之百六掾望亦被召恥不應譙王承臨州知其名會王敦作逆乃命惺爲長史望爲司馬督護諸軍時惺遭母喪承往弔之曰王室方難國祚阽危墨衰卽戎金革不辟其將何以教之惺曰鄱州荒敝難以進討宜收眾固守傳檄四方敦勢必分分而圖之庶可捷也湘東太守鄭澹敦之姊夫也不順遣望討之望率眾一旅直入郡斬澹以徇及魏父來攻望先登力戰而死城破惺復爲父所執將害之子弟對之號泣惺謂曰人生有死闔門爲忠義鬼亦何恨哉及王敦

湖南通志

卷一百六十

人物一

晉書

太

入夕入文

平贈惺襄陽太守望榮陽太守遣謁者至墓祭以少牢

晉書本傳

人有畏憚之色因害之

晉書本傳

韓階長沙人性廉謹篤慎爲閭里所敬愛刺史譙王承辟爲議曹祭酒轉西曹書佐及承爲魏父所執送武昌階與武延等同心隨從在承左右桓雄被害之後二人執志愈固及承遇禍階延親營殯殮送柩還都朝夕哭奠葬畢乃還

晉書本傳

鄧騫字長真長沙人少有志氣爲鄉鄰所重常推誠行己能以

正直全於多難之時刺史譙王承命爲主簿使說甘卓卓畱爲參軍欲與同行以母老辭卓而反騫有節操忠信兼識量宏遠善與人交久而益敬太尉庾亮稱之以爲長者歷武陵始興太守遷大司農晉書本傳子粲舊志少以高潔著名與南陽劉驎之南郡劉尚公同志友善並不應州郡辟命荊州刺史桓冲卑辭厚禮請粲爲別駕粲嘉其好賢乃起應召驎之尚公謂之曰卿道廣學深眾所推懷忽然改節誠失所望粲笑答曰足下可謂有志於隱而未知隱夫隱之爲道朝亦可隱市亦可隱隱初在我不在於物尚公等無以難之後以病篤乞骸骨許之晉書本傳

王循長沙人建昌太守王敦之難與譙王承衡陽太守劉翼等

湖南通志卷一百六十 人物一 晉

九

共盟誓馳檄湘州皆同義舉

晉書譙王遜傳

王毅長沙人嘗守廣州甚得南越之情子矩字令式美姿容母出觀者盈路初爲南平太守豫討陳恢有功遷廣州刺史次子機字令明倣儻有度量陳恢之亂機年十七率眾擊破之嘗慕王澄爲人澄亦雅知之以爲己亞尋用爲成都內史會澄遇害機懼禍及就王敦求廣州不許會廣州人背刺史郭訥迎機爲刺史機遂入廣州尋陶侃爲廣州遣督護許高討機走之病死於道晉書本傳

徐瑋瑋字偉長沙人永嘉之亂蘇峻糾合數千家結壘於本縣時豪傑所在屯聚峻最强遣瑋宣檄諸邑示以王化又收枯骨

葬之遠近感其恩義瑋有奴善逃知識欲爲瑋售之瑋曰奴往當復逃豈可虛受其償廉平正直若此晉書蘇峻傳尹虞長沙人舉孝廉慷慨有志操吾彥爲南中樞督陸機兄弟毀之虞曰自古由賤而興者乃有帝王何但公卿若何元幹侯孝明唐儒宗張義秀等竝起自寒微皆內侍外鎮人無譏者卿以士則晉書答詔小有不善毀之無已吾恐南人皆將去卿卿便獨坐也於是機等意始解永嘉初虞仕至始興太守值杜弢之亂戰歿晉書弢傳姓譙

衡州府

羅含字君章耒陽人曾祖彥臨海太守父綏榮陽太守含幼孤爲叔母朱所養少有志尚嘗畫臥夢一烏文朱異常飛入口中朱曰烏有文采汝後必有文章自後藻思日新弱冠州三辟不就含父嘗宰新淦新淦人楊羨後爲州將引含爲主簿含傲然不願羨招致不已辭不獲而就及羨去職含送之到縣新淦人以含舊宰之子咸致賂遺含難違而受之及歸悉封置去由是遠近推服後爲郡功曹刺史庾亮以爲江夏從事太守謝尚與含爲方外之好稱曰羅君章可謂湘中之琳琅尋轉州主簿桓溫臨州又補征西參軍溫嘗使含詣尚有所檢劾含至不問郡事與尚累日酣飲而還溫問所劾事含曰公謂尚何如人溫曰勝我也含曰豈有勝公而行非邪溫奇其意而不責焉轉州別

湖南通志卷一百六十 人物一 晉

十

爲叔母朱所養少有志尚嘗畫臥夢一烏文朱異常飛入口中

朱曰烏有文采汝後必有文章自後藻思日新弱冠州三辟不就含父嘗宰新淦新淦人楊羨後爲州將引含爲主簿含傲然不願羨招致不已辭不獲而就及羨去職含送之到縣新淦人以含舊宰之子咸致賂遺含難違而受之及歸悉封置去由是遠近推服後爲郡功曹刺史庾亮以爲江夏從事太守謝尚與含爲方外之好稱曰羅君章可謂湘中之琳琅尋轉州主簿桓溫臨州又補征西參軍溫嘗使含詣尚有所檢劾含至不問郡事與尚累日酣飲而還溫問所劾事含曰公謂尚何如人溫曰勝我也含曰豈有勝公而行非邪溫奇其意而不責焉轉州別

駕以解舍，誼擾於城西池小洲上立茅屋，伐木爲材，織葦爲席，而居布衣蔬食晏如也。溫嘗與寮屬讌會舍後，至溫問眾坐曰：「此何如？」人或曰：「可謂荆楚之材。」溫曰：「此自江左之秀，豈惟荆楚而已？」徵爲尚書郎。溫雅重其才，又表轉征西戶曹參軍。俄遷宜都太守，及溫封南郡公，引爲郎中令。尋徵正員郎，累遷散騎常侍。侍中仍轉廷尉長沙相。老致仕，加中散大夫，門施行馬，初舍在官舍，有白雀棲集堂宇，及致仕還家，階庭蘭菊叢生，人以爲德行之感。所著文章行於世。

於世晉書本傳

李義鄙人有勇力大甯中盜起荆湘義傾貲市兵器率鄉民追擊大破之境賴以安荊州牧陶侃檄至麾下分兵擊寇有功後

湖南通志 卷一百六十 人物一

$$\frac{Z_4 L_1}{E}$$

主

人可人

鄉人立祠祀之號其地曰太尉原

楚譜紀

永州府

唐諶零陵人少有志操武帝咸寧初舉茂才拜武騎常侍平吳

還拜零陵太守境內清晏道不拾遺百姓樂業

晉書本傳
楚紀

唐宏雋陵人幼穎悟永嘉初舉孝廉拜殿中郎累遷尙書大司

姓楚譜紀

唐安泉陵人官郡功曹史庾闡薦安牋曰桂林生於五嶺杞梓

出於南荆夫以卉木之盛猶載在方志况千里之朝懷其良彥

而使人滯於常流莫登於龍津者乎爰立身持操行著一邦若

得驂軌驚衡服襄駿足則機石之良選可以對揚萬里者也

文藝

聚類

蔣珣泉陵人初仕吳爲始興太守廣州都督氣岸英爽舉錯合宜後歸於晉時中原士庶相率歸化珣有力焉

府志

寶慶府

周崎邵陵人爲湘州從事王敦之難譙王承使崎求救於外與周該俱爲魏父偵人所執父臨以白刃曰汝爲我語城中稱大將軍已破劉隗戴若思甘卓住襄陽無復異議三江州郡萬里肅清外援理絕如是者我當活汝崎僞許之旣到城下大呼曰王敦軍敗於于湖甘安南已克武昌卽日分遣大眾來赴此急努力堅守賊今散矣父於是數而殺之

晉書本傳

晉書
之本傳

湖南通志 卷一百六十 人物一

晉

三

天
子
川
江

陳光邵陵人祖約棄譙城與蘇峻同反譙國內史桓宣諫不聽遂距約不與之同光率部落數百家降宣宣皆慰撫之

晉書 相
宣傳

常德府

潘京字叔長武陵人弱冠郡辟主簿太守趙厥甚器之嘗問貴郡何以名武陵京曰鄙郡本名義陵在辰陽縣界與夷相接數爲所攻光武時移東山遂得全完共議易號傳曰止戈爲武詩稱高平曰陵於是名焉爲州所辟仍舉秀才到洛尚書令樂廣共談累曰深歎其才時武陵太守戴昌亦善談論與京共談京假借之昌以爲不如已令過其子若思京方極其言論昌竊聽之遂父子俱屈焉歷巴邱邵陵泉陵三令明於治術路不拾遺

晉書
本傳

龔恢武陵人惠帝時爲天水西縣令遷犍爲太守太安二年平西將軍羅尚爲李雄所破雄叔父驤斷尚運道獲恢欲降之不可恢昔爲西縣天水任回爲吏時同在驤軍中謂恢曰識故吏否恢曰識汝耳郡吏星散唯功曹楊渙侍衛回謂曰卿義人也吾力恐不能救龔君不能免卿也卿宜早去渙曰背主求生何如守義而外遂并見殺華陽國志增

伍朝字世明武陵人少有雅操閒居樂道不修世事性好學以博士徵不就刺史劉宏薦朝爲零陵太守主者以非選例不聽尚書郎胡濟奏曰朝游心物外不屑時務守靜衡門志道日新湖南通志卷一百六十人物一晉

年過耳順而所尚無虧誠江南之奇才邱園之逸老也不加飾進何以勸善且白衣爲郡前漢有舊宜聽光顯以獎風尚奏可而朝不就終於家晉書本傳

閻曾武陵人張茂爲涼州牧築靈鈞臺曾夜叩門呼曰武公遣我來曰何故勞百姓而築臺乎姑臧令辛巖以曾妖妄請殺之茂曰吾信勞人曾稱先君之令何謂妖乎命止作役晉書張茂傳

龔元之通志氏族字道元武陵人父登歷長沙相散騎常侍元之好學潛默安於陋巷州舉秀才公府辟不就孝武帝下詔曰譙國戴逵武陵龔元之竝高尚其操依仁游藝絜己貞鮮學宏

儒業朕虛懷久矣可竝以爲散騎常侍領國子博士所在備禮發遣郡縣敦徧苦辭疾篤不行弟子元壽亦有德操高尚不仕舉秀才及州辟召竝稱疾不就孝武帝以太學博士散騎侍郎給事中累徵不起晉書本傳

郴州

谷儉桂陽人九真太守朗之後甘卓爲湘州刺史舉儉爲秀才儉辭不獲命州厚禮遣之諸州秀才聞當考試皆憚不行惟儉一人到臺遂不復策試儉恥其州少士乃表求試以高第除中郎儉少有志行寒苦自立博涉經史於時南土彫荒經籍道息儉不能遠求師友唯在家研精雖所得實深未有名譽又恥街湖南通志卷一百六十人物一晉

澧州

周該天門人性果烈以義勇稱叔父級爲宜都內史亦忠節士也聞譙王承立義湘州謂該曰王敦稱兵構逆譙王克期舉義此乃烈士致死之時汝其成吾志申款於王乎該欣然奉命潛至湘州與承相見口陳至誠承大悅會敦遣其將魏父圍承甚急該乃與湘州從事周崎開出反命俱爲父所執考之至死竟不言其故級由是獲免王敦之難晉書本傳

車允字武子南平人曾祖浚吳會稽太守父育郡主簿太守王胡之名知人見允於童幼之中謂其父曰此兒當大興卿門可

使專學允恭勤不倦博學多通家貧不常得油夏月則練囊盛數十螢火以照書以夜繼日焉及長風姿美劭機悟敏速辨識義理又善於賞會當時每有盛坐允不至皆云無車公不樂寧康初爲中書侍郎關內侯孝武帝嘗講孝經僕射謝安侍坐尙書陸納侍講侍中卞軌執讀黃門侍郎謝石吏部郎袁宏執經允與丹陽尹王琨摘句時論榮之累遷侍中太元中增置太學生百人以允領國子博士又遷驃騎長史太常其後議郊廟明堂之事皆從其議新廟成進爵臨湘侯俄爲護軍將軍隆安初加輔國將軍丹陽尹遷吏部尙書時王國寶諂於王道子諷八座啟以道子爲丞相加殊禮允曰此乃成王所以尊周公也稱

湖南通志

卷一百六十

人物一

晉書

疾不署名帝甚嘉之

本傳

南北朝宋

永州府

蕭孝子冷道中和鄉人軼其名舊有祠在文昌門內袁忠廟後今基址略存

志

常德府

龔祈通志氏族字道孟武陵人從祖元之父黎民竝不應徵辟祈年十四鄉黨舉爲州迎西曹不行謝晦臨州命爲主簿彭城王義康舉秀才除奉朝請臨川王義慶平西參軍皆不就風姿端雅容止可觀中書郎范述見而歎曰此荆楚偉人也衡陽王

義季臨荆州發教以祈及劉凝之師覺授不應徵召辟其三子祈又徵太子舍人不起時或賦詩言不及世事

宋書本傳

齊

長沙府

徐普濟

一統志徐作孫梁書南史皆作徐

長沙人居喪未及葬而鄰家火起延及其舍普濟號痛伏棺上以身蔽火鄰人往救之焚炙已闕絕

異日方蘇

梁書滕曇恭傳

衡州府

何宏衡陽人疏從四世同居建元三年詔表門閭蠲租稅

傳

湖南通志

卷一百六十

人物一

南北朝宋

美

川

永州府

譚宏寶零陵人齊高帝建元三年遣使巡行天下疏稱宏寶疏從四世同居共衣食詔旌表其門閭蠲租稅

南史封延伯傳

唐獻之泉陵人舉秀才官至廣州都督議論剴直才氣出人時洞苗負固奉詔討之深入賊境督餉籌策仍於要害處築城堡濬溝池懇田屯軍扼守又招同被擄苗民數百人爲鄉道開路進勦苗賊屏跡嶺表肅然

明統志

常德府

邵榮興文獻叔皆武陵人八世同居范安祖李聖伯范道根皆武陵人五世同居建元三年詔表門閭蠲租稅

南史封延伯傳